

De Zingge-Brunne (1989)

Wasser! – Us körnigem Granitsei-Block,
do stroddled s hoch vum Brunnestock
in dickem Strahl durab in Troog.
En Brunne isch es, ohni Froog.

Er stoht im Erzinger Ortsteil „Zingge“
am Chilstieg-Weg, direkt zur Linke,
am Steibuck-Egg. – Sit eh und je
häts a sellem Platz en Brunne geh!

Mir hend de Brunne allwiil glibt,
hend vu ihm frisches Wasser griegt,
s Väh hät g soffe, d Kinder pflättred,
de Brunnewart hät mit ne gwättred.

Altersschwach isch er noch Johre
Gege en neue ustuscht wore.
Au do hät s Neu durch s Alte gwunne:
Mir hend de neu-alt Zingge-Brunne!



Stolz stoht er do, us eim Stuck Stei.
De Stock und Troog diened allei
dem frische Wasser, klar und hell,
gschöpft us de gliiche alte Quell.

Es lebe hoch de Zingge-Brunne!
Er spende Chraft, de Alt und Junge.
Und tränkt er au nieh meh e Chueh:
Er plätschered fröhlich, immerzue. (H. R.)